

p. 521. *Spec. Plant.* p. 798. n. 1. *Fl. Suec.* 2. 693.
Fl. Carniol. p. 387.

Taraxacum calycibus glabris; squamis imis reflexis.
 HALL. *Hist.* n. 56.

DIAGN. *Calyces squamæ exteriores et imæ reflexæ.*

Habitat ubique in pratis.

Quis vidit in hac planta pappum pulmosum?

958. HEDYPNOIS *Paludosa.* Tab. 48.

DIAGN. *Folia lanceolata, laxè dentata. Semiflo-*
sculi tridentati. Pappi stipes tres lineas longus.

Habitat in pratis humidis, et subsylvestribus, circa
Idriam.

Radix perennis. Folia semipedalia et breviora, digiti
 latitudine, glaberrima, quatuor sinibus obsoletis
 utrinque excissa, cum totidem dentibus interpositis.
 Apex folii est conus acutus, cuius basis fere duplo
 brevior lineis lateralibus. Scapi plures e gemmis
 totidem diphyllis, modice lanuginosi, attenuati, fistu-
 losi, uniflori, foliis subaequales. Calycinarum squa-
 marum ordo primus erectus, fusco viridis, squamas
 continet (ad 12), ovato-lanceolatas. Ordo alter
 constat squamis (ad 14), pariter erectis, angustiori-
 bus, longioribusque. Semen compressum, lanceo-
 latum; facie qualibet quinque lineis elevatis et apice
 denticulatis, striata.

315. LACTUCA.

PLIN. TOURN. *I. R. H.* p. 473. Tab. 267.

LINN. LUDWIG. HALL.

Calyx imbricatus, squamis erectis multo-
 rum ordinum. Semina striata; striis quibus-
 dam aut omnibus ad apicem scabris; pappo
 simplici et stipitato instructa, utrinque acu-
 minata. TOURN. *l. c.* 1. LUDWIG.

959. LACTUCA *Prenanthoides.* Tab. 49.

DIAGN.

DIAGN. *Folia radicalia lanceolata, acuminata, sub apice rariter dentata. Caules ramosi, subnudi; ramis summis corymbosis.*

Habitat in siccissimis et sabulosis montibus *Carnioliae* superioris.

Radix perennis fusca, descendens, fibrosa, crassiuscula. Folia radicalia unciam circiter longa, tres lineas lata, duriuscula, glabra; integerrima et sub apice uno aliove dente instructa. Caules vix semipedales, firmi, teretiusculi, lineam crassi, glabri, ramosi. Rami supremos pedunculos umbellatos gerunt, unciales et breviores, squamulis fetaceis, exiguis adspersos. Calyx lineas quatuor longus, unam latus, cylindraceus, glaber, fuscescens, constat squamis octo longioribus, aliisque quatuor minoribus ad basin positis, inaequilibus. Semiflosculi (ad 12), flavi. Semen striatum: striis dente terminatis. Pappus densus albissimus, quatuor lineas longus; stipite lineam longo.

960. *LACTUCA virosa.*

Lactuca foliis horizontalibus, carina aculeatis, dentatis. LINN. *Syst. Nat.* p. 520. *Spec. Plant.* p. 795. n. 3.

Lactuca foliis ovatis patulis; nervo spinoso. HALL. *Hist.* n. 15.

DIAGN. *Semen apice aculeatum; striis supra medium tuberculosis.*

Habitat *Tergesti* et *Gorixiae*.

Maculae in caulibus ramisque sanguineae, dein nigricantes. Ima pars caulis paleolis crebris rufisque strigosa. Folia modo aliqua glabra et inermia, caulina vero lanceolata sessilia et crebris aculeis parvis in margine exasperata; modo vero obiter dentata; dentibus parvo aculeo terminatis. Alia iterum folia habent *LACTUCAE* I. BAUHINI a LINNAEO citatae, ut facile pro distinctis speciebus haberi possent.



959. *Lactuca Prenanthoides.*

Rein sc. A. V.